

師別經年月朔皆冠帶執簡禮三拜長跪問訊訖復再拜合成五拜別亦如之明各識焉
 弟子不得與師爭口忽忽恚怒弟子事師皆當恭敬不得傲慢無禮罰在明真經中宜各慎之弟子不得與師爭競功名無有推讓之心弟子詣師當請問所受不得論及私鄙弟子事師若遠行遠弟子皆當隨路遠近奉迎不得端坐晏然待師至弟子與師同行不得踐師影慎之弟子與師共在座不得受人跪拜所以爾者座無二尊弟子不得陰行橫勃忿鬪師主弟子若出入及所管作事先諮問於師不得自專弟子事師皆當忠實信實不得猶豫二心弟子不得竊盜發泄師器發中犯師禁戒科律得罪弟子不得背叛師主慎之具在明真經文弟子與師同處不得唾左右慎之弟子侍從師若值賓客弟子侍衛師左右不得高抗大坐與凡俗無別皆入不孝慎之弟子受師法業後玄德成就為人所宗皆當謙下存憶本師勿忘先恩也弟子事師不得輒坐師牀席處所神司之禁也

右弟子奉師科戒合三十六條

三洞衆戒文卷上

正一天師清微弟子 洪百堅 製作



三洞衆戒文卷下

三洞弟子本水信觀道士張萬福編錄

靈寶初盟開塞六情戒文

第一戒者目無廣瞻亂諸華色亡睛失明光不明儼

第二戒者耳無亂聽混於五音傷神敗正惡聲啼吟

第三戒者鼻無廣嗅雜悉臭腥易有流濁形不澄正

第四戒者口無貪味脂薰之屬濁注五神藏府憤瀆

第五戒者手無犯惡不竊人物貪利入己瀆不自覺

第六戒者心無愛欲搖動五神傷精喪蒸體發迷荒

天尊言其六戒者身之大患來生男女雖受人形而六情不純未見經教不聞法音形不自覺沉迷罪門致令短促不竟天年長處惡道甚可哀憐故說是戒開度天人善心信向一意歸命尊奉聖教閉諸惡門則形入虛空

六通智慧六情恬爽神自寧也悉自和也精自固也壽命長遠終不亡也

萬福曰六情者染罪之門喪身之源也所以持戒先制六情六情恬爽神道歸也故學士初入中乘先須閉塞六情然後漸階一道故以為次第者詳之矣

三戒文

經曰凡學妙精玄變神化大道衆術當潔已清齋誦習清戒洞曉義趣動靜通神勤行善道謹密妙事誦在功過勿生謬妄心識明定戒業又全然後行道應心如口不能修此人鬼亂壞滅已誤他為道兼濟濟物安已慎勿戲弄以道誇人又勿害他以利於己當持此戒以制之也

第一戒者誦識因緣勿忘本逐末

第二戒者誦守少私勿利我損物

第三戒者誦習勤行勿混俗失真

右三上戒上皇所行上帝所奉主上所修修行奉持全而不破三系正神降與為一身神又一無二馬得道當存號曰太上

不行此戒服佩符支勞而無驗非太上弟子也

五戒文

經云帝吳英告黃帝曰吾受太上老君衆經要戒勤行之報得有今日法應流布勸化將來不得閉塞杜絕後生子心精鍊方與長生宜廣宣戒以成兼濟之功矣黃帝稽首再拜奉旨遵行

第一戒者目不貪五色誓止殺學長生

第二戒者耳不貪五音願聞善從無惑

第三戒者鼻不貪五炁用法香遣俗穢

第四戒者口不貪五味習胎息絕惡言

第五戒者身不貪五緣履勤勞以順道

右五戒五老帝君各遣二十五神防護受持者身免脫災害延年壽命安國寧家救

度一切受授之時依如三戒法三戒招去

元始三系五戒延仁禮信義智五系三五為八周有遍無鍊而精之洪纖畢備

八戒文

太上曰凡諸戒律通應共行其間緩急繁簡

高卑各有意義准儀玄元變化生數陸漸相成三五八九十百千萬雖隨緣所堪亦不可越略知迴向正法修長生不死三五已參宜受八戒

第一星解五行備修五德

第二習五事不可無恒

第三平理八正行藏順時

第四明識五紀與烝同存

第五精審皇極上下相和

第六修三德期會三清

第七決定疑惑化偽為真

第八考校微驗消禍降福鍊凡登聖無負三專

右八戒持之必全犯破即謝首悔善躬改意革心堅防後失行之三年八方善神念

來擁護六年保免六極六極者凶禍短折

常多疾苦恒懷憂慮積善貧之形容醜惡

羸弱無施也八年永享五福五福者長壽

富貴康寧好德考終鍊有入無自識宿命

也九年神通超凡成聖矣

三訣文

經曰志學之士才力未強多知為敗志隨致
殃善行教者照其所堪隨品稍受惟憤日新
且閉繫科示以要訣乘經諸法漸次修行功
德成就自然通通由要起要訣有三

一者曰因無始中來仍有識性性靈無滅死
苦尚存生樂無機關不識因者定不怨天不
尤人不咎物不感身苦樂是甘無妄惑也

二者曰緣因循動靜內外取和不侵人益身
不陷己誤物損而無傷利而無害識本知末
無邪疑也

三者曰勤謹慎心口嚴勅身神閉聖尋請受
教遵承增廣善緣斷絕惡因正見子精進無
退不違師自任不漫信浮隨不驕急亂群不
苟執千眾不藏真出偽不有始無終也

右久憶此訣三度人濟已三皇神吏自然
見形為之使役通達真靈鍊凡成聖變塵
為精不知此三終不得道

八敗文

經曰齋以齊整為急急以齊整身心身心齊

整係無亂敗敗起多端大略有八

一者殺生自活 二者盜他自供

三者淫欲為快 四者妄語誑人

五者醉酒恣意 六者雜卧高廣大床

七者競說香油華飾 八者耽著歌舞作唱

右八者大人君子學聖真仙不為此八事
則八敗無從起八敗無起則八成自然立
立則不失延年保命神通洞達恩真行道
明驗必速也

三要文

天皇曰第一之要求長生

第二之要當求藏形

第三之要當避世榮

十三禁文

仙人曰夫欲延壽長生避諸禁忌如右

禁無施精命天沒 禁無大食蒸豚閉

禁無大飲勝脫急 禁無大溫消髓骨

禁無大寒傷肌肉 禁無寒食生病結

禁無飲啖失肌汁 禁無久視令目曠

禁無久聽聰明閉 禁無久泣神悲感

禁無卒呼驚魂魄 禁無內念志恍惚
禁無恚怒神不樂

七百二十門要戒律文

經曰七百二十門要戒律文諸天寶秘佩身
傳口不書經中若未過其師當服符取應見

神來降仍請受之凡人從元始中來有識在
心心識浮動迴易須更馴馬過隙比之速也
雲間迅電亦非速也心之善惡反覆無常一
切諸急莫若心之疾也心之難持甚於虎豹
猴猿鹿馬皆易制也一切之中心難取也喜

能調御心者其唯上聖之人乎中下聖真恒
與心爭晝夜俯仰內省外觀常恐越逸損滅
心神神散不可追還身須豈得重立立身不
煩養神不散長生神仙位登上聖要在清齋
齋各有品五情六欲縱橫競興內外參差致

生迷亂背正向邪棄本遂末欺負幽明招者
沉淪九泉之府楚掠萬端解脫無期由於不
齊故也志學之士急務修齋齋直齋心守戒
為主主以制心心定則生忘戒失主心亂則
死死中求生求生不死志當清齋誦習行戒

情欲既多戒遂無量無量法門眾聖開設超引群生使之能入各有方所諸天不同時有行藏歷世殊異大略不殊一切所共七百二十門最為妙勝持之全者入道究竟故能變化七十四方九天各八八九七十二爰上及下合七十四方不能持戒或持之不全各隨階品變化不同變化不同則不免累患之故上聖令持之矣一切含生皆有三五又有多少愚智不同更相傾攝抑揚相緣一識既動無端競興守一不可直指三五交互扶持三

百二十也門者文也理也還也散逸應還還修由文得門能入未歸源也本因籠多增緣指少少多相傾補續相涉識悟轉關見門稍審長善勇猛詣闕速臻臻未速者經屆無央大略變化捨故即新駭聽珠觀正在七百二十門中積塵八九究鍊畢竟七百二十共為一矣守一勿失行一難堅念相仍不可暫替暫替則邪干邪干則正翳正翳則門塞門塞則見迷迷者陷苦若極思迴識神慮發超然醒悟更堅其念念相續因積積久一炁泆身身神通徹八九朗然變化無窮由悟守一守一須資唯戒為急持之不虧邪不得入邪不得入正炁相親親密久之自然混合真道同真資戒果遂由戒入道故謂為門精志之傳諦從之耳萬福曰夫人心不一識有暗明妙道無方神化難測心明則悟道神昧則迷真而心以寂明神由動亂亂則失道明乃會真故守正除邪則妄心不起背明向暗乃惡念斯生善否非他諒自身造迷悟在己亦不由人是以大聖天尊弘慈化物善權方便

接引無遺廣設法門招提一切隨宜授藥眾病消除普勸行人悉令持戒戒有種種大小異門究竟歸根同成正道但三五六八斷頓稍殊識悟既明終持一戒一戒者唯戒於心不起他念也即此戒謂守一勿失念念相仍

是也學士當諦思行之矣

三洞眾戒文卷下